

大明會典

大明會典卷之一百二十八

兵部十一

鎮戍三

督撫兵備

國祕。兵事專任武臣。後常以文臣監督。文臣重者曰總督。次曰巡撫。總督舊稱軍門。而巡撫近皆贊理軍務。或提督。詳載都察院。其按察司官整飭兵備者。或副使。或僉事。或以他官兼副使。僉事。沿海者稱海防道。兼分巡者稱分巡道。兼管糧者稱兵糧道。今具載之。而仍以所轄督撫領其首。

總督薊遼保定等處軍務兼理糧餉一員

整飭薊州等處邊備兼巡撫順天等府地方二

員

薊州兵備一員。管理喜峰口馬蘭谷松棚谷
太平寨四路。監督副將等官。分管薊州遵化
豐潤玉田四州縣。薊州鎮朔。遵化營州右東
勝右忠義中興州前開平中屯興州左屯九
衛寬河一所。兵馬錢糧兼屯田

昌平兵備一員。管理黃花鎮居庸關橫嶺城
三路。監督副將等官。分管昌平州懷柔縣順

義縣

長陵等九陵衛及延慶營州左屯二衛真靖鎮遼勃
海白羊四所兵馬錢糧兼屯田

永平兵備一員管理燕河營臺頭營右門寨
山海關四路監督副將等官。分管永平府漂
州。盧龍遼安撫寧昌黎樂亭五縣撫寧永平
盧龍山海東勝左興州右六衛兵馬錢糧兼
屯田

密雲兵備一員管理石塘嶺古北口曹家寨
牆子嶺四路監督副將等官。分管通州密雲

三河寶坻。平谷五州縣。密雲中後衛。通州左
右衛。神武中衛。定遠衛。興州後衛。營州後屯
前屯。中屯衛。梁城守禦千戶所。兵馬錢糧兼
屯田

霸州兵備一員。管理霸州香河二州縣并營
州前屯衛及西山澗河一帶兵馬錢糧兼屯
田河道

總撫保定等府兼提督紫荆等關兼管河道一
員

天津兵備一員。專在天津滄州二處來往所

管自天津起。德州。青。并。河。開。滄州。軍。衛。有。司。
兵。馬。錢。糧。兼。屯。田。河。道。

紫荆兵備一員。駐劄易州。管理紫荆關。并該
關所轄隘口。東起沿河口。總。西至白石口。總
止。及保定一府所屬二十州縣。保定五衛。茂
山。衛。并山西廣昌。靈丘等州縣。軍。衛。有。司。仍
聽保定巡撫節制。干涉山西都御史一體呈
請施行。

井陘兵備一員。駐劄井陘。管理倒馬。龍泉。故
關。并各關隘口。東起挿箭嶺。總。西至石榴嶺。

等口止。及真定府所屬三十二州縣與真神
定三衛。平定守禦千戶所并平西平定州樂
平。五臺繁峙等縣兼馬政驛傳。

大名兵備一員。管理順德所轄遷隘北起錦
繡堂等口南至數道巖等口并順廣二府各
九縣。大名府所屬十一州縣。順德守禦百戶
所兼制山東河南直隸鄰境州縣衛所操練
防盜馬匹等項兼驛傳。

巡撫遼東地方兼贊理軍務一員。

寧前兵備一員。春夏駐劄寧遠。秋冬駐劄前

屯。東至寧遠塔山所。西至前屯中前所。抵關
所轄寧前二衛城堡驛所共三十二處。無管
屯田馬政。

分巡遼海東寧道一員。帶管廣寧錦義等處
兵備。春夏駐劄錦州。秋冬駐劄義州。東至廣
寧鎮武弁西興。西平。西寧。丰洋等堡。西至錦
州杏山驛。所轄廣寧等九衛城堡驛所三十
五處。無管屯田馬政。

開原兵備一員。無管屯田軍政。

分守遼海東寧道一員。帶管遼陽瀋陽撫順。

蒲河寬奠各城堡邊備。兼管屯田馬政。

苑馬寺卿。兼金復海蓋兵備一員。照舊管理馬政。夏秋駐蓋州。冬春駐海州。整飭四衛并東昌東勝耀州連邦谷等堡。

總督宣大山西等處軍務兼理糧餉一員。巡撫宣府地方兼理軍務一員。

分巡口北道一員。管理北中二路。駐劄馬營赤城等城。兼管屯田馬政。

分守口北道一員。駐劄宣府鎮城。兼理兵備懷隆兵備一員。駐劄懷來整飭南山等處。分

理北東二路。嘉靖四十五年。除去北路。萬曆八年革。十一年復設。

巡撫大同地方。贊理軍務一員。

分巡冀北道一員。管理北東北西二路。并渾源。聚樂。高山等二十三城堡。駐劄大同鎮城。無屯牧。

陽和兵備一員。整飭沿邊地方兵備。專聽軍門委用。管天城。陽和二衛。并東路新平。二路一十三城堡。無屯牧。

分守冀北道一員。駐劄朔州城。防秋移駐平

虜城管理平虜等城堡邊備。仍兼原管懷應等州縣。兼屯牧。

左衛兵備一員。駐劄大同左衛城。經理左右雲玉威遠五衛。萬曆八年革。十一年復設提督。屬門等關。兼巡撫山西地方。一員。

分巡冀寧道。兼兵備一員。管轄永寧州寧鄉臨縣并靜樂太原清源交城文水五縣。兼管太原米將營兵馬錢糧。

屬平兵備一員。駐劄代州。管廣武北樓平刑等處兵備。管轄代州繁峙五臺寧縣四州縣。

兼屯田

奇嵐兵備一員駐劄偏頭關管轄奇嵐等五州縣。分管偏老奇嵐河曲等處兵備。西路叅將老營遊擊地方兵馬兼屯田

分巡河東道兼兵備一員。并管隰州。西接陝西關隘地方

潞安兵備一員。帶管冀南道分巡

行太僕寺卿兼寧武兵備一員。不妨馬政兼理屯田。駐劄寧武關。分管八角神池寧武三守備。中路叅將地方兵馬

巡撫巡綏等處贊理軍務一員

靖邊兵備一員。駐劄定邊營。東至延綏西路。舊安邊起。西至寧夏萌城。各營堡倉場邊務。俱聽經理。及大鹽池鹽法。兼分巡屯田。

神木兵備一員。管理榆林東路。兼分巡建安。高家柏林。大柏油。永興鎮等城堡。并葭州。神木府谷。吳堡四州縣。

榆林兵備一員。管理榆林中路。兼分巡雙山。常樂鎮城。保寧。嚮水。波羅等堡。并榆林二衛。綏德。米脂。清澗。三州縣。并清平。威武。懷遠。三

堡邊牆

分守河西道一員。駐劄慶陽。分理延慶二府所屬州縣。兼管督修就近所屬城堡。分管慶陽衛。并環縣千戶所各屯田驛遞。

巡撫寧夏地方贊理軍務一員

寧夏管糧道一員。駐劄鎮城。管理糧儲。帶管本鎮東路寧夏後衛等一十二城堡及小鹽池鹽法。兼理屯田。

兵糧道。行太僕寺卿。兼倉庫事一員。不妨原務。兼理花馬池後衛。靈州。興武。韋州。一衛三

所東中二路城堡倉場驛遞兵政糧儲屯田水利鹽法并經理清水營互市

總督陝西三邊軍務一員

固原靜寧隆德鎮原等處兵備一員兼屯田驛遞

洮岷兵備一員分管洮岷二衛并西固階文三千戶所兼管漳成二縣兼分巡屯糧驛遞延安兵備一員兼管分巡專在鄜州駐劄及督修延慶所屬城堡兼屯田

臨鞏兵備一員專管臨洮府屬五州縣甘蘭

臨河西衛倉場驛遞屯糧

鞏昌兵備一員。整飭鞏昌府等處撫安兵備。
兼分巡隴右道。巡禁茶馬。帶理屯糧。分督鞏
昌府衛所。并秦徽二州。及清澧等十縣。
靖虜兵糧道一員。修舉馬政。兼理兵糧。分管
安定會寧二縣。并永安等九堡衛所屯寨。專
管靖虜屯田。

巡撫甘肅等處。兼理軍務一員。

甘肅兵備一員。專在肅州地方。撫治番寇。整
飭兵備。并肅鎮二衛錢糧。兼屯田。

西寧兵備一員。撫治西寧番夷。兼管西寧等衛所。并西寧衛所屬倉場。

莊浪兵備一員。改設行太僕寺少卿兼按察司職銜。整飭莊浪兵備。

巡撫陝西地方。贊理軍務。一員。

西安兵備一員。整飭西安等處衛所兵備。分守關內道。帶管糧斛。驛傳。鹽法。水利。

涇邠兵備一員。駐劄邠州。分管關內道。專管西安府等二十七州縣。整飭兵備。管轄寧州等州縣。及平慶二衛牧地。軍民糧草。

商洛兵備一員。駐劄商州。兼管商州洛南商
南山陽鎮原等處兵備。兼屯田驛遞。

潼關兵備一員。專管潼關衛班軍。分管河南
閔鄉靈寶二縣。陝西同州九州縣山西蒲州。
并守禦千戶所。

漢羌兵備一員。駐劄漢中。兼撫民。及分巡關
南道事務。分管漢中府屬南鄭等州縣。并漢
中衛寧羌衛。沔縣千戶所驛遞糧草。

總理糧儲提督軍務兼巡撫應天等府地方。一

員

徽寧池太安慶廣德兵備一員駐劄池州管轄徽州寧國池州太平安慶五府廣德州句容等六縣及新安建陽宣州安慶各衛所提防江賊礦徒

蘇松常鎮兵備一員整飭蘇州松江常州鎮江四府兵備駐劄太倉州

總理漕運兼提督軍務巡撫鳳陽等處兼管河道一員

潁州兵備一員管理廬州鳳陽滁州地方衛所兼管江防事宜

淮揚海防一員。駐劄泰州。整飭淮揚海防江
洋。仍分管揚州儀真高郵等衛。泰州鹽城通
州等所。京操官軍。

徐州兵備一員。整飭徐宿州等處兵備。兼管
淮安府。徐州及淮北衛所。及淮安邳州大河
徐州沂州等衛。官州東海西海等所。京操官
軍。

提督軍務巡撫浙江地方一員。

杭嚴兵備一員。駐劄杭州。分巡杭州嚴州二
府。兼管兵備。及前後二衛軍兵各府縣民壯。

一併團練督捕水陸盜賊

金衢兵備一員駐劄衢州府整飭金華衢州

二府兵備兼理分巡

嘉湖兵備一員駐劄嘉興分巡嘉興湖州三府兼管兵備

海道一員駐劄寧波巡海兼理寧紹兵備經管沿海衛所管理水陸兵糧

台州兵備一員駐劄台州分巡寧波紹興台州三府兼提督操練

溫處兵備一員駐劄温州整飭温州處州二

府兵備兼管分巡管理遂松龍三縣

巡撫江西地方兼理軍務一員

南昌兵備一員駐劄寧州整飭南昌兵備專
飭南昌瑞州二府戎事訓練營鄉等兵兼制
湖廣興國通城崇陽瀏陽咸寧平江等六州
縣扼險捕盜如有盜賊違過寧武湖新等縣
守巡武昌道移文會勦

九江兵備一員駐劄九江分巡饒州南康九
江管理兵備督理南康湖防仍提調上江船
廠轄安慶府

撫建廣兵備一員。分巡湖東道。夏秋駐劄建昌。冬春駐劄撫州。整飭撫州。建昌廣信三府各屬縣額設精兵。并鉛山及撫建二府各守禦所官軍。

東州兵備一員。駐劄吉安。分巡湖西道。兼轄轄湖廣茶攸郴桂瀏陽等處。不妨控制萬安。往來巡歷。

巡撫南贛汀韶等處地方提督軍務一員。所轄江西嶺北贛州道及廣東嶺東惠州道嶺南韶南道福建漳南道湖廣上湖南郴桂道俱聽節。

制

贛州兵備一員。駐劄會昌縣。整飭贛州地方
兵備。兼分巡嶺北道。

提督軍務。兼巡撫福建地方。一員。

福州兵備一員。歸併清軍道。仍兼管福州兵
備。兼分巡福寧道。監督全省水陸官軍。

福寧兵備一員。駐劄福寧州。分巡福寧。分理
軍務。管理該州并福州地方。

建甯兵備一員。駐劄建甯。分巡建甯。分理
軍務。管理該府并邵武延平地方。

海道一員駐劄漳州管理沿海衛所官軍專
管兵糧海防兼理國練分理軍務

興泉兵備一員駐劄泉州分巡興泉道兼分
理軍務

分巡漳南道一員駐劄上杭縣分巡汀漳二
處地方操練軍快人等分理軍務兼管廣東
大埔程鄉二縣

巡撫湖廣地方兼提督軍務一員

分巡武昌道一員駐劄省城整飭武昌兵備
專一團練軍兵所轄武昌南至嘉魚北至白

湖鎮二哨及漢陽府黃陂縣地方

分守荆西道一員駐劄奉天府與守備太監
協同護守

陵寢管奉天德安二府

沔陽兵備一員駐劄沔陽州整飭荆西等處
兵備兼管分巡提督奉天所屬堤垵原管奉
天德安二府屬及鄰近嘉魚等八縣地方

岳州兵備一員駐劄岳州府管上江防道由
武昌而上至沔陽岳州常德長沙等處提督
一帶江防湖禁巡司兼制寧州并寧州守備

新州兵備一員駐劄新州管下江防道由漢陽而下至黃州新州德安等處提督一帶江防湖禁巡司

鄖襄兵備一員駐劄襄陽府整飭鄖襄兵備及分巡下荆南道事務練兵捕盜

撫治荊州兼施歸兵備一員照舊分巡上荆南道撫治荊州等府流民駐劄荊州府整飭施歸等處兵備統轄荊州府所屬州縣及荊州衛右衛瞿塘衛枝江惠州各千戶所施州永順等土司巡歷夷陵歸州巴東一帶州縣

仍聽川貴巡撫。四川巡按節制。

分守上荆南道一員。駐劄澧州。兼整飭岳州九永等處兵備。督理軍衛有司。

分守湖外道一員。駐劄辰州。兼撫苗夷。提督軍衛有司。

柳桂兵備一員。春夏駐柳州。秋冬駐衡州。提督本州五縣。桂陽州所屬各衛所地方。及廣東韶州府所屬縣守禦千戶所。并續擬衡永二府所屬十二州縣。廣東乳樂連山。廣西賓賀。江西大庾上猶等縣。衡永二衛。及連州陽

山一帶地方

靖州兵備一員專在靖州銅鼓五開等八衛并天柱等所居中駐劄整飭兵備操練前項衛所軍馬兼錢糧

提督軍務兼撫治鄖陽等處地方一員所轄湖廣下荆南鄖襄道河南汝南道陝西關南漢羌道商洛道四川下川東夔瞿道俱聽節制總督兩廣軍務兼理糧餉帶管鹽法兼巡撫廣東地方一員

海道兼整飭廣州兵備一員駐劄東莞南頭

城巡視海道一帶地方。整撈船隻。操演水戰。
監督南頭白鶴二寨。

韶南兵備一員。駐劄韶州。所轄南韶二府各
縣衛所。并廣州府屬州縣。兼分巡。分管練兵
事務。

惠潮兵巡一員。駐劄潮州。兼管惠潮二府兵
巡事務。巡歷惠州府屬海豐等十縣。潮州府
屬饒平等十縣。提督捕盜水陸官兵。往來山
海地方。操練管寨。

高肇兵備一員。駐劄肇慶。兼分巡嶺西道。整

飭高肇二府兵備。修理各該城堡。操練官兵。
民快鄉夫打手。撫民捕盜。

羅定兵備一員。駐劄羅定地方。專管新設一
州。并南鄉當霖封門。山口。四所。及黃姜洞。大
峒。二營。分管練兵事務。

雷廉兵備一員。駐劄廉州。整飭雷廉二府地
方兵備。兼理分巡海北道。監督海康烏丸寨。
瓊州兵備一員。駐劄瓊州。整飭兵備。監督瓊
州寨。操練兵船。

巡撫廣西地方一員。

分巡桂林道一員。駐劄省城。分巡桂林一府。
兼全州永福永寧兵備事務。帶管撫夷。

蒼梧兵備一員。移駐鬱林州。整飭蒼梧北流
興業博白岑溪陸川地方兵備。兼管分巡
賓州兵備一員。駐劄賓州。整飭賓州等處地
方兵備。兼分巡。

府江兵備一員。駐劄平樂。整飭府江兵備。帶
管平樂府分巡事務。

左江道一員。移駐南寧。兼潯州太平思明等
府憑祥桂平宣化養利等州縣奉議馴象向。

武太平武緣等衛所及武緣縣膺葛二墟地方兵備

提督軍務巡撫四川等處一員

安綿兵備一員駐劄綿州整飭安綿石泉等處兵備提督關堡操練土兵民壯兼督利州衛并保寧府官軍民快

威茂兵備一員駐劄茂州整飭威茂等處兵備撫治羌夷

重慶兵備一員駐劄重慶分巡上川東道管轄重慶府衛州縣并貴州酉陽等處土司

夔州兵備一員。駐劄達州。整飭下川東道兵備。即兼分巡。專轄夔州府衛州縣并石砭土司。撫民捕盜。兼制施州。

敘馬兵備一員。駐劄建武鎮城。招集民兵充實墩堡。整飭敘馬二府瀘州所屬及敘瀘二衛新所。并永寧東川鎮雄烏撒烏蒙等土司地方兵備。

分巡上川南道一員。管嘉眉邛雅四州。并雅大二所。天全招討黎州安撫二土司。移駐雅州。

建昌兵備一員。駐劄建昌。會鹽寧越禮州德昌鎮西冕山迷易打沖河等衛所。并昌州馬刺印部威龍普濟等土司地方兵備。兼管分巡。

松潘兵備一員。駐劄松潘衛。整飭松潘等處兵備。撫治羌夷。兼管紅花潭廓等八屯。

巡撫山東等處地方。贊理營田。兼管河道提督軍務二員。

武定兵備一員。冬春駐武定。夏秋駐德州。往來武定濱德三州。并陽信商河各州縣。督理。

屯營操練防守

濟寧兵備一員駐劄濟寧專管河鹽兼濟寧
州寧陽魚臺汶上三縣并濟寧一衛兵備仍
分巡

曹濮兵備一員駐劄曹州督捕操練衛所屯
營兵馬盜賊兼管分巡

沂州兵備一員駐劄沂州督捕盜賊操練州
縣衛所屯營帶管分巡馬政

臨清兵備一員整飭東昌府屬兗州府屬各
州縣兵備帶管分巡馬政河道

青州兵備一員。駐劄青州。整飭青州所屬萊蕪新泰蒙陰沂水長山淄川各縣。兼分巡青萊二府。

海道一員。駐劄登州。仍治登萊二府。兼管登州一處分巡。

巡撫河南等處地方。兼管河道。兼提督軍務。一員。

開封兵備一員。駐劄省會。管理開封及本府屬二十九州縣并宣武一衛。往來提督軍衛有司。

大梁兵巡道一員駐劄陳州巡歷歸雖地方
練軍禦盜馬政係睢陳兵備道歸併

磁州兵備一員駐劄磁州擒捕盜賊修理城
池撫安民兵操練軍馬其衛輝所轄縣分輝
縣舊駐地方仍往來巡歷兼馬政

分巡汝南道一員兼整飭兵備

巡撫雲南兼建昌畢節等處地方贊理軍務兼
督川貴糧餉一員

臨安兵備一員整飭臨安等處地方

騰衝兵備一員整飭騰衝等處

金華縣志
卷之六
大
瀾滄兵備一員整飭瀾滄姚安等處

曲靖兵備一員整飭曲靖尋甸馬龍木密霑
益等處

巡撫貴州兼督理湖北川東等處地方提督軍
務二員

都清兵備一員整飭都清等處分巡新鎮道
兼治廣西南丹等州平清偏鎮銅鼓五開等
衛所

威清兵備一員整飭威清等處分巡安平道
兼制泗城霑益等州節制普安壩陽守備等

官

畢節兵備一員整飭畢節等處分巡貴寧道
無治烏撒鎮雄永寧等司府

思石兵備一員整飭思石兵備分巡思仁道
無治鎮草平茶播州等處

精兵入衛。甘肅固原。寧夏。宣府。遼東。各一枝。延綏。大同。各二枝。以後陸續奏撤。見今入衛。延綏二營。共三千四百名。大同一營。二千九百名。又標營一枝。九百名。宣府一營。一千五百名。○又令大寧兩班官軍六萬餘名。免其京操。春班。參將四員。各領五千員名。共二萬。赴薊鎮防守。其餘盡數分隸秋班。參將部下。於內仍選精壯遊兵六千員名。責付新添遊擊二員統領。與舊遊擊六員防秋。○又令興營等衛。染城等所班軍。原係奏留古北口一帶擺邊。照舊常川在邊防。

守不必掣回分班○又議准河間天津等衛每
年輪班一千名赴黃花鎮防禦武清衛九百八
十八名於古北口住守常川在彼不必掣調○
又令河間等衛班軍二萬二千九百九十六名
係腹裏見聽京操之數悉聽改發薊鎮不必更
番聽東關御史選定人數將精銳二萬一千定
作秋班七枝次等一萬定作春班五枝每年春
班正月初旬上班五月終旬放班秋班六月初
旬上班十一月終旬下班○三十一年奏准通
州班軍戍薊鎮者每月每軍加糧二斗仍免其

均徭柴炭局料。仍選募土著壯丁。務足六千之數。○又令調發客兵沿途不許騷擾。違者聽各撫按將該將領叅究。○三十三年奏准。保定標達民兵三枝。調一枝於古北口。二枝於兩關適中地方聽調。○三十八年議准。遼東大同延綏等處入衛總小旗。經年遠戍。許給冠帶。不支俸。○四十一年。令山西民兵三千。免其入衛。每歲每名量徵工食銀五兩。解薊鎮軍門。及密雲道。修造盔甲器械。○四十二年。令山東民兵三千。免其入衛。有馬者每名徵工食銀十二兩。無馬

者每名徵工食銀七兩。每年共二萬六千兩。解
赴薊鎮為造軍器犒軍士之用。○又今山東河
南將民兵工食每名增銀二兩。連原額解赴薊
遼軍門。查給各官家丁口糧。○隆慶三年題准
長陵等衛防守黃花鎮官軍一千名。今後秋班八月
初一日上邊。至次年四月終下班。春班二月初
一日上邊。至本年十月終下班。每年上邊九箇
月。休息三箇月。○四年題准。大寧都司班軍成
薊鎮者。春班九千一十三名。秋班一萬三千九
十一名。添領班都司三員。共七員。○萬曆元年

題准大寧山東河南都司班軍戍薊者有一衛
分春秋兩班亦有分隸各都司下今各歸併每
衛只隸一都司下定為春班或秋班撤防之日
各都司擡營統領到該駐劄地方雙月操練各
該巡撫兵備間亦閱操其都司亦量撥軍伴應
付上班之期撫道稽查催督如出征例○二年
議准宣大遼東入衛官軍春防限二月末旬到
薊防春畢日不必撤放通留過夏聽派隘口以
防不虞十月終即先撤放其遲到半月早放半
月糧料抵留過夏之費○四年議定遵化民兵

一千五百名。每名徵銀一十二兩。共一萬八千兩。解兵備道充餉。山東民兵一枝內馬兵一千名。每一名匹。徵銀二十四兩。步兵二千。每一名徵銀一十六兩。共五萬六千兩。解薊鎮充餉。遼東入衛民兵三千名。止發二千五百名。赴薊鎮分布。其五百名留寧前防守。

一募調兵。嘉靖三十七年題准薊鎮自於密雲昌平。水平。遵化。通州募兵一萬五千。河南民兵悉免入衛。止解銀七萬五千兩。赴薊州。給各兵安家。○又議准將昌平一枝。隨衛食糧。革安家。

銀。通州一枝改入京營。其密雲、永平、遵化三枝係土著者。止歲給銀五錢。○四十二年。令副叅遊守提調等官。許自募家丁。報名在官。一體給糧。○萬曆三年。議准募浙兵三千人。各給鳥銃。赴鎮以備衝鋒攻擊。○四年。又添調南兵九千名。以代客兵。專備守臺。○又議淮南兵分為二班。挨定年限。至期更番。即以舊將統領舊兵往回。行浙江巡撫知會。在薊在浙將領不必互換。○五年。題准保河二府入衛民兵三千名。每年徵工食銀四萬一千六百兩。解軍門召募土兵。

二千名。每名月給糧銀一兩。安插撫恤。常川在三屯營操練。○十一年題准。召募民兵一千六百一十名。每月給與雙糧。免其戶丁勾補。又選城操軍一百九十名。輜重營軍一千名。每月糧之外。加給行糧。併原設雜流共三千一百八十一名。俱充密雲標下左營軍。其延綏標兵一千八百名。永免入衛。保定軍一千名。仍分春秋兩班。同輜重營選下餘軍。俱發石匣營補伍。密雲輜重營裁革。

一防守。嘉靖二十九年題准。調佐擊將軍二員。

領兵四千。把總指揮領兵三千。赴黃花鎮。渤海所。牆子嶺。豬圈頭營。曹家寨。石塘嶺。防秋。十月掣回。○又議准。薊鎮分部十區。參將遊擊各分信地。○又題准。發永寧參將兵馬一枝。移駐四海冶。鎮城副總兵人馬一枝。移駐永寧城。以防山後大小紅門。白羊口。遊擊兵馬一枝。有事。移駐鎮城。據險把守。居庸參遊官。挑井蓄水。以待防秋。兵馬食用。○又題准。右叵營新募遊兵。調古北口防守。比振武營人馬。按伏事例。全支行糧料草。○三十一年。議准。薊鎮十區。酌量銜緩。

分別遠近併為八區○三十二年題准黃土嶺
人馬先年調往大毛山策應今大毛山自有長
谷駐操一營其黃土嶺照舊改屬一片石仍行
遼東鎮巡嚴行前屯衛鐵廠堡各該人員守本
堡地方○三十四年題准居庸口自懷來大山
口遠迤起伏至隆水抵四海冶黃花鎮接界鎮
南墩止俱

陵京屏教今薊兵鎮守內口宣兵謹守外口○又議
准懷來有警總督移駐昌平○四十年題准京
營春秋二防各選兵四枝赴居庸防守每枝三

千人馬兵三百步兵二千七百。春防以正月十五日行。三月終旬回營。秋防七月十五日行。九月終旬回營。每防用叅將二員。佐擊二員。將官到彼。聽總督巡撫節制。○四十二年議准各路兵馬。東自山海關起。西至鎮邊城止。二千一百十四里。分爲十路。第一路石門寨。第二路燕河營。第三路太平寨。第四路馬蘭谷。第五路牆子嶺。第六路古北口。第七路石塘嶺。以上七路副叅遊佐提調分守。而以薊鎮總兵領之。第八路黃花鎮。第九路居庸關。第十路鎮邊城。以上三

路亦副參遊佐提調分守。而永昌鎮總兵領之。
○隆慶二年題准。山海關原撥一片石擺守遊
兵五百名。掣回防禦。其城操軍士亦止。令守城
免其擺邊。山海衛原抽掣軍遠戍。牆子嶺悉令
回本衛。○三年題准。京營原調發通州防守遊
兵三千名。留薊鎮防守。○四年題准。永平兵備
山海關參將。外則策應寧前。內則固守本路。如
失事一體論罪。○萬曆二年題准。薊昌二鎮分
布兵馬十二路。屬各兵備道整飭。總兵總督往
來調度。

一操練嘉靖四十年。今總督軍門選標兵三千
迎原三千共六千人。以備有警策應。○四十一
年。增置遊兵三百名。與原五百名共八百名。屬
巡撫標下。專備有警巡防。○隆慶二年。題准。創
鎮選兵三萬。分為十枝。列為三營。遵化永平遊
兵二枝。合巡撫標兵一枝。定為遵化一營。建昌
營一枝。合鎮守總兵標兵二枝。定為三屯一營。
振武石匣二營。合總督標兵二枝。定為密雲一
營。各設中軍左右掖。在密雲遵化者。各用叅遊
三員。在三屯營者。用見在總兵并叅遊二員。各

監督訓練○三年題准薊州以東置一副總兵
將建昌營遊擊改設分理松棚太平燕河臺頭
石門山海等處練兵而巡撫標兵即以屬之薊
州以西置一副總兵將石匣營遊擊改設分理
爲蘭谷牆子鎮曹家寨古北口石塘等處練兵
而總督標兵即以屬之

一查覈逃軍嘉靖二十七年議查薊鎮兵數逃
至五百名者總兵降俸一石一千名者降俸二
石一千五百名者降俸三石二千名者降俸四
石二千五百名者降職一級三千名者降職二

級。三千五百名者降職三級。各區兵數。逃至一百五十名者。副將降俸一石。三百名者降俸二石。四百五十名者降俸三石。六百名者降俸四石。八百名者降職一級。一千名者降職二級。一千二百名者降職三級。各營兵數。遊擊與各坐營中軍。逃至一百名者降俸一石。二百名者降俸二石。三百名者降俸三石。四百名者降俸四石。五百名者降職一級。六百名者降職二級。七百名者降職三級。守備與各營千總。逃軍五十名者降俸一石。一百名者降俸二石。一百五十

名者降俸三石。二百名者降俸四石。二百五十名者降職一級。三百名者降職二級。三百五十名者降職三級。提調與各營把總。逃軍二十名者降俸一石。四十名者降俸二石。六十名者降俸三石。八十名者降職一級。一百名者降職二級。一百二十名者降職三級。守關管寨把總。逃軍十名者降俸一石。二十名者降俸二石。三十名者降俸三石。四十名者降職一級。六十名者降職二級。八十名者降職三級。管隊官。逃軍五十名者降俸一石。十名者降俸二石。十五名者降

俸三石。二十名者降職一級。二十五名者降職二級。如係總小旗原無俸石。總旗逃軍十名者降小旗。二十名者降軍人。小旗降至軍人而止。軍人選委調發。福鎮邊衛操守。以上各官逃軍不及數者。姑免罰治。

一兵器。嘉靖三十六年題准。置造快鎗及鉛彈。火藥。給主客官軍。此置鎗彈之始。

一車營。隆慶三年題准。三鎮練兵車七營。每營用重車一百五十六輛。輕車二百五十六輛。步兵四千。騎兵三千。駕輕車馬二百五十六匹。以

東路副總兵一營。令巡撫標下一營。駐建昌。遵化。以西路副總兵一營。令總督標下一營。駐石匣。密雲。以薊鎮總兵二營。駐三屯。昌平總兵一營。駐昌平。○萬曆元年議准。山海附石門為十路。每路各立一車營。昌平三路共立一車營。每營駐騎步兵各一枝。密雲遵化三屯設三輜重營。每營亦駐騎步兵各一枝。○又令各標各路各車營。准加馬一千六百一十四匹。加曳車一千五百五十五頭。○三年議准。昌鎮置車營一撫夷。嘉靖三十八年議准。令叅將遊擊二員。

喜峰口驗放入貢屬夷。不許潛帶北虜入關。○
又令凡屬夷到邊務宣諭。

朝廷恩威方行撫賞。如敢撲捉。即便移兵勦殺。不
許姑息。

遼東

遼東孤懸千里。

國初廢郡縣置衛所。以防虜寇。獨於遼陽開原。設
自在安樂二州。處降夷。東北則女直。建州。毛憐
等衛。西北則朵顏。福餘。泰寧三衛。分地授官。通
貢互市。寇盜亦少。嘉靖間。虜入大得利去。遂剽

掠無時。遭人不得耕牧。城堡空虛。兵馬彫耗。戰守之難。十倍他鎮矣。

一城堡。見存二百七十九座。空心敵臺三十一座。邊腹敵臺九十座。墩臺二千七百一十座。○嘉靖四十一年。議修路河。以阻虜騎。○四十四年。令改新江沿臺堡於舊江沿地方。設官備禦。兼轄湯站鳳凰鎮等堡。以扼短錯江之隘。與敵陽東西兩翼共成犄角之勢。○隆慶五年題准。置造各城堡四面懸樓十數座。○萬曆二年題准。造空心敵臺兩臺之間。用磚與亂石為牆臺。

牆相連。以便固守。○四年題准定遼右衛原設於遼陽。後因險山設寨。將改建於鳳凰鎮。設倉建學。今展拓寬其六堡。移駐寨將衛治倉學俱遷寬其就近管轄。

一兵馬。原額官軍九萬四千六百九十三員名。實在八萬三千三百四十員名。原額馬七萬七千一匹。見額馬驢四萬一千八百三十四頭。一入衛兵。本鎮入衛薊鎮自嘉靖三十年始。四十五年題准。遼東各營抽選三千名入衛。其寧前新設遊兵。仍令防守本處。疏通薊遼二鎮咽喉。

喉之路。凡遼東軍有投匿薊鎮為家丁者。盡數查出發回。不許將領容留。○隆慶四年題准。暫免遼東叅將領兵入衛。以廣寧右營兵代之以。以後遞年更番。○萬曆元年題准。遼東寧前中前所孤危尤甚。將入衛遊擊兵馬除前留五百名外。再留三百名。仍於密雲標下遼兵一千名內量撤二百名。共湊一千名之數。令中前所遊擊統領操練。以備戰守。○五年題准。遼東入衛兵留寧前防工。將真定標營一枝代遼入衛一車營。隆慶四年題准。遼鎮設立車營。○五年

題准。造車二百輛。發前屯。寧遠。挽赴城外街口堵截。

一貢市。成化十四年。令遼東馬市。許海西并朵顏三衛夷人。賣買開原。每月初一日至初五日。十六日至二十日。開二次。各夷止將馬匹并土產貨物。赴彼處委官驗放入市。許齎有貨物者。與彼兩平交易。不許通事交易人等。將各夷欺負。愚弄虧少馬價。及偷盜貨物。亦不許撥置夷人。指以失物為由。扶同詐騙財物分用。敢有擅放夷人入城。及縱容官軍人等。無貨者任意入

市有貨者在內過宿。規取市利。透漏邊情。事發俱發。兩廣烟瘴地面充軍。遇赦不宥。○十七年題准。廣寧開原二處俱開馬市。其通事三年一換。○嘉靖四十二年題准。甜水站之東舊有連山關一座。指揮把守。凡朝鮮陪臣入貢。赴關報名。指揮馳報遼東都司。方許入關。彼中護送兵馬。從此回國待陪臣事竣回還。彼中兵馬仍於此迎接。○隆慶五年。令海西夷人入市。務遵舊規。從廣順鎮北二關魚貫而進。更照廣寧規制築高園牆。以防出入。○又題准。寧前如遇夷人

到邊討賞。傳報得實。動支山海關稅銀量加提賞。以羈其心。如詭言互市。聚衆入搶。即整兵固守。不復與通。○又題准海西屬夷俱在開原東北分寨住牧。三萬庫客稅鹽課免。解廣寧。准留開原撫賞。○萬曆四年。令永真堡北。准開一市。許寬奠等處往牧。東夷易換米布豬鹽。即以市稅充撫賞。○又題准開原夷人入市。在一二百名之內者。各備禦徑自防撫。如至三四百名之外。叅將親去彈壓。

一撫夷。嘉靖二十二年題准。建州毛憐三大衛。

夷人如有送回搶擄男婦者止許給賞。不願賞者量陞千百戶指揮。存留都督名色。以待能殺犯順夷首。及執縛為惡夷人。與報事引路殺賊有功者。○隆慶五年。令投降真夷俱解廣寧。分投安插。不必再留彼中。潛為嚮導。○六年題准。回鄉人口。及投降真夷除有家者發回原衛外。其願留操備及真夷投充家丁者。分為三等。於總兵衙門之東置房地一處。以處家丁之親密者。又於寺前官地。建受降所。以處真夷之稍弱者。又於城外關廂內。建房二百餘間。以

處新來之未信者。選立隊長。各貢千總官管理操練。監其出入。○萬曆二年題准。招過山東登萊各海島潛住遼東逋逃人。盡數回鎮安插。島中房屋盡行燒燬。仍令金州都司每遇三六九月。會同登川都司。帶兵徧詣各島。嚴加搜捕。一次。仍每月委官一次。如有在島潛住。即拏到官。照謀叛未行律。如拒捕官兵。登時殺死。弗論。其石城廣鹿長山三島。係金復兩衛額地。見有軍餘住種。辦納糧差。男婦不及一千。仍舊留住。令金川都司於三島內各建公館一所。選委本衛

廉幹官在內鈴東。仍禁私船往來。

保定

國初自紫荆西抵故關。修築以備虜。在保定境內。永樂中移大寧都司于此。然以宣大山西為外蔽。虜患稍緩。正統己巳之變。嘗遣京營兵駐守諸關隘。尋罷。弘治正德以後。漸設叅將副總兵分守。至嘉靖中改副總兵分守為鎮守。已改設鎮守總兵統制三關。大寧都司附近衛所俱隸之。環翼京師。始稱重鎮云。

一城堡。見存遺城一百三十一座。城堡十六座。

空心敵臺三百五十九座。舊敵臺二百九十一座。墩臺七百五十七座。○嘉靖二十二年題准於倒馬龍泉故關等處增置墩臺。使烽火相望。○萬曆元年題准馬水口紫荆倒馬等關地方建空心敵臺三百五十六座。

一兵馬原額官軍二萬九千三百八員名。見額三萬四千六百九十七員名。原額馬一千一百九十九匹。見額馬驢四千七百九十一匹頭。一達軍嘉靖三十一年題准達軍生齒日繁。騎悍成風。又有無籍竄籍。差冒糧。令各兵備嚴

行查選在保定者責達官都司管領河間等衛
各委達官指揮管領訓練鈐束聽調一應頂買
人役通行革回○隆慶二年改各達官軍舍為
忠順官軍

一防守嘉靖四十年題准紫荆關之盤石烟臺
厓居庸之小嶺竊同原設防守內口官軍移浮
圖峪八達嶺外口防禦○四十三年議准保定
入援兵馬二枝果有虜賊擁衆入塞總兵不必
候調徑自隨賊截剿如賊自宣大而漸近紫
荆馬水等處總督官仍當調劄兵接應○萬曆

十年議准。真保六營兵馬。歲輪赴薊保鎮空虛。
合將本鎮巡撫總兵標下兩營兵馬留鎮操練。
止令保定車騎真定車民四營輪流赴薊防守
石門。

一車營。萬曆元年題准。保定各立車營。配以精
兵壯馬。每營務足三千○二年題准。立車騎二

大明會典卷之一百二十九